



SAKSFRAMLEGG

Sakshandsamar: Jan Erik Boge	Arkivkode: FE-082
Arkivsaksnr: 12/645	Løpenr: 12/5691
Sakstype: Politisk sak	

SAKSGANG			
Styre, utval, komité m.m.	Møtedato	Saksnr.	Saksbeh.
Formannskapet	06.11.2012	068/12	JEB

GODTGJERSLE TIL ORDFØRAR, VARAORDFØRAR OG ANDRE POLITISK VALDE 2013

Rådmannen sitt framlegg til vedtak:

Saka vert lagt fram utan tilråding frå rådmannen.

Dokument som ikkje er vedlagt:

Reglement for godtgjersle til folkevalde i Samnanger kommune

Kva saka gjeld:

Etter pkt. 1 og 2 i *Reglement for godtgjersle til folkevalde i Samnanger kommune* har formannskapet ansvar for å vurdera godtgjersla til ordføraren og varaordføraren kvart år. Dersom utvalet meiner at godtgjersla til ein eller begge av desse bør endrast, må det fremjast sak til kommunestyret om dette.

Vurderinga av ordførargodtgjersla skal etter reglementet gjerast seinast 1. oktober. Det er ikkje fastsett nokon tidsfrist for vurderinga av varaordførargodtgjersla. Ingen av desse vurderingane har vorte gjort til no i 2012.

- Ordførargodtgjersla er i 2012 på 565.000 kroner. Utviklinga i godtgjersla har dei siste åra vore som følgjer:
 - 565.000 kroner i 2012
 - 505.000 kroner i 2011
 - 490.000 kroner i 2010
 - 472.500 kroner i 2009
 - 450.000 kroner i 2008
 - 430.000 kroner i 2007

- Varaordførargodtgjersla er i 2011 på 33.000 kroner. Utviklinga i godtgjersla har dei siste åra vore som følgjer:
 - 33.000 kroner i 2012
 - 29.000 kroner i 2011
 - 28.300 kroner i 2010
 - 27.300 kroner i 2009
 - 26.000 kroner i 2008
 - 25.000 kroner i 2007

Reguleringa av godtgjersle til andre folkevalde i kommunen

Godtgjersla til andre folkevalde i kommunen (unnateke varaordfører) vert rekna i prosent av ordførargodtgjersla. Det vil seia at godtgjersla til andre folkevalde automatisk vert regulert med same prosentsats som ordførargodtgjersla. Dette gjeld møtegodtgjersle og godtgjersle til leiarar av utvala.

Godtgjersle til andre folkevalde i Samnanger kommune utgjer i 2012 om lag 300.000 kroner.

Informasjon om lønnsoppgjret 2012 for kommunalt tilsette

I tariffoppgjret 2012 vart det gitt tillegg på i gjennomsnitt ca 5,5% til dei tilsette i kommunen som er omfatta av det sentrale lønnsoppgjret (gjeld om lag 90% av dei tilsette i kommunen). Tillegget på ca 5,5% er summen av sentrale og lokale tillegg for denne gruppa.

Det er førebels ikkje klart kva lønstillegg som vert gitt i 2012 til rådmann, assisterande rådmann, einingsleiarar og andre tilsette som ikkje er omfatta av det sentrale lønnsoppgjret.

Lønsforhandlingane for desse gruppene skal gjennomførast i løpet av november 2012.

Sannsynlegvis vil lønstillegga i 2012 for desse gruppene liggja om lag på same nivå som for andre tilsette i kommunen.

Utviklinga i ordførargodtgjersla i forhold til lønnsnivået for administrative leiarar i Samnanger kommune

Nedanfor følgjer oversikt som viser utviklinga i ordførargodtgjersla og lønnsutviklinga for administrative leiarar i kommunen i perioden 01.01.2008 – 01.01.2012.

Verv/stilling	Løn/ godtgjersle 01.01.2008	Lønn/ godtgjersle 01.01.2012	Prosentvis auke i perioden
Ordfører	450.000	565.000	26%
Varaordfører	26.000	33.000	27%
Rådmann	546.000	665.000	22%
Assisterande rådmann	525.000	640.000	22%
Einingsleiarar (gj.snitt årslønn)	439.000	551.500	26%

**Det er ulike verknadsdatoar for endring av godtgjersle til ordføraren/varaordføraren og lønn for administrative leiarar (vanlegvis 1. januar for ordfører/varaordfører og 1. mai for administrative leiarar), men begge grupper fekk godtgjersle/årslønn regulert fire gongar i tidsrommet 01.01.2008 – 01.01.2012.*